



17142

kat.komp

I

Mag. St. Dr.

P

*gmaeykennu mentiu: Ode in funere inlcom
parabilis Viri - Martini Placii S.T.R.
conscripta.*

PANEG. et VITAE

Polon. 4^oN^o 708.

Biblioteka Jagiellońska



stdr0002039

O D E

*In funere incomparabilis Viri, Admodum
Reuerendi Domini*

MARTINI PŁOCII,
SACRÆ THEOL: BACCAL:
ET PROFESSORIS DIGNISSIMI,
AD S. FLORIANI CANONICI, ARCHI-
diaconi Curelouien. &c. &c.
Viri de Academia me-
ritissimi.

Conscripta

A

M. LAURENTIO SMIESZKOWIC,
Professore Nouoduorsciano.

C R A C O V I Æ,

Ex Officina Andrea Petr: S. R. M. Typogr. A. D. 1618.



Handwritten notes:
Hemalocap 5 ff.
apud 7

D. Chrysoft.

Offeramus Deo vitam pro mu-
nere, quam obligamur pro
debito reddere.

17142 I



ODE TRICOL:
TETRASTR.

Heu labores, heu Academici
Truces labores, quã metitis viros
Ex lege vestra falce, quã ante
Tempus & ante diem iubetis
Exire iustis de stationibus
Meros ocellos, fulcra Academiæ,
Et victimas ex his recentes
Astruitis Libitinæ iniquæ.
Vestrâ manu vestrâ occubuit meæ
Altricis almæ delictum vnicum,
Magnumq; tutamen decoris
Illius, ah perijt viriles
Vix natus annos PLOCIVS inclytus.
Ceu bos aratro non memor eximi
Exaggerat glebas, & inter
Irrequietam operam laborum
A 2 Neruis

Neruis renifus, concidit in sui
Heri parandis commoditatibus,
Interq; curas peruicaces
Impiger emoritur. Gemellum
Defiderandus P L O C I V S in modum
Non ante curam ponere desijt
Quam mēbra iam fractus labore
Non operæprecia emereri
Valebat ; & iam coctus ab improbo
Morbo, cathedræ insistere pertinax
Prægestiebat, cygneosq;
Mox moriturus obire cantus.
Sic ô fideles sic Academici
Mori ante tempus nostra colonia est,
Viuosq; adhuc præferre tristem
Corporis exanimi figuram.
Natura quidquid scilicet imperat
Assueta regno non variabili,

Hoc

Hoc nos redonemus lubentes
Solicitaē patriæ; quam & ipsa
Largita vitam est, depositum velut
Reddamus iniussi. Haud mihi credite
Longum ille viuit quem colorat
Canitiestremulæ senectæ,
Et qui remotos enumerat dies
Diues peracti temporis. Ille mî
Annosus exegit sat vsq;
Plurima sæcula, quem illibati
Mores per orbis compita prædicant,
Intaminatum deside ab otio;
Compendiosa ætate seram
Qui anteijt meritis senectam:
Et cuius olim viuida gloria
Obliuiosis funeribus caret,
Semperq; superuictura sospes
Famâ hominũ retrò subsequētũ.
O viuis

O viuis & tu commemorabilis
Diuq; viues, fax Academiae,
MARTINE PLOCI, nec sepulchro
Contumulabitur illa virtus.
Non illa morum candida sanctitas,
Et mens serenâ luce relectior.
Non veritatis mira flamma,
Cuius eras stabilis sacerdos;
Quiduis paratus ferre viriliter,
Peccare quàm, quod læderet hanc Deâ;
Ne consciâ menti pateret
Lingua quod oculuisset infans.
Iam seriosam quid sapientiam
Tuam retexam? Seu Sophiae abdita
Secreta recludens docebas;
Seu fidei tacitæ recessus
Imperuos miro indicio dabas
Cuiq; audientum cernere peruos;
Seu in

Seu in Deitemplis verendis
Dogma salutiferum canebas,
Pendens cathedra de venerabili
Canorus ales: magnus vbiq; eras
Famam elaboratam vehens, &
Nomina concilians venusta
Almæ parenti nostræ Academiæ.
Testatur istud luctibus obsita
Suspirijs frustra laborans
Tam celebri viduata gnato.
Exemplar, ac te, veri Academici
Monstrat frequenti proli, imitabilem;
Multosq; voto ardentiore
Consimiles amat intueri.
O digna cœlo mens (voueo spei
Plenus bonæ) iam nunc superis choris
Immista, lauro haud languente
Relligiosianimi refulges.

O iam

O iam laborum quæis cumulaueras
Spartam, reportas inclyta præmia;
Illasq; grandes nunc tuorum
Cælo animas Academicorum
Videns; vides iam, sic morientium
Quàm fors beata est. Scilicet is labor
Penfatus hîc paruo didactro,
Promeritas ibi fert coronas.





